

27 JUL 1996
Dialog-Tiba
PESERTA DIALOG ANTARABANGSA MULA TIBA

LANGKAWI, 27 Julai (Bernama) -- Peserta-peserta Dialog Antarabangsa Langkawi mengenai Perkongsian Bijak mula tiba di pulau bebas cukai ini hari ini.

Antara mereka yang mendaftar masuk ke beberapa hotel terkemuka di sini hari ini ialah empat ketua kerajaan -- Presiden Zimbabwe Robert Mugabe, Presiden Namibia Dr Sam Nujoma, Presiden Botswana Sir Ketumile Masire dan Naib Presiden Malawi Justin C. Malewei.

Ramai lagi ketua kerajaan dan pemimpin korporat dunia dijangka tiba esok.

Dialog itu dengan tema "Perkongsian Bijak untuk Kemakmuran Bersama Dunia" dianjurkan bersama oleh Commonwealth Partnership For Technology Management Ltd (CPTM), Kumpulan Industri-Kerajaan Malaysia untuk Teknologi Tinggi (MIGHT) dan Yayasan Komanwel untuk Pengurusan Teknologi (CFTM).

Perdana Menteri Datuk Seri Dr Mahathir Mohamad, yang juga penaung dan penasihat Kumpulan Memandu Antarabangsa, dijadual merasmikan dialog itu Isnin ini.

Timbalan Perdana Menteri Datuk Seri Anwar Ibrahim juga dijadual menyampaikan ucapan beliau pada hari kedua acara tiga hari itu.

Kira-kira 270 peserta telah mengesahkan kehadiran mereka pada dialog itu yang melibatkan empat sesi pleno dan interaktif.

Antara tajuk yang akan dibincangkan ialah Falsafah Perkongsian Bijak, Peranan Kerajaan dalam Perkongsian Bijak, Tempat Teknologi dalam Perkongsian Bijak dan Perkongsian Bijak dalam Organisasi.

-- BERNAMA
ZAA WAT AHH